




A MANNA



U TANGO DI ROSETTA

Auteur : Jean-Paul Poletti

A⁻ (La mineur)

Secondes seules

O cumpà ti n'arricordi quelli balli
Da u circondu ghjunghjianu centu cavalli
Intesu u primu sunettu di cumparsita
U paese intieru cambiava di vita
Tuttu u mondu s'accupiava in quattro salti
Vultulavanu i capelli è li tacch'alti

*E ROSETTA SI FACIA UN TANGO
C'UN MONSIEUR COMME IL FAUT*

Intermède musical à la guitare par Cecce

Tous

Era l'ora di cacciassi ogni vergogna
Mezu à i vapori di l'acqua di cologna
A vinaccia s'intrecciava à le zampate
I bicchjeri s'infilavanu è le cascate
L'orgoliu ùn n'era più chè ghjelusia
Quandi l'una vidia l'altra in cumpagnia

*E ROSETTA SI FACIA UN TANGO
C'UN MONSIEUR COMME IL FAUT*

Intermède musical à la guitare par Cecce

Secondes seules

Er'u tempu di u sintimu u più stranu
Quand'in l'ombra ci pigliavamu la manu
Era mele quellu son' di viulinu
I zitelli ci scherzavanu avvicinu
Ghjacumina cannuchjalava e so figliole
Cun quelli occhji ch'è parianu pistole

***E ROSETTA SI FACIA UN TANGO
C'UN MONSIEUR COMME IL FAUT***

Intermède musical à la guitare par Cecce

Tous

Oghje sò smariti balli è urganetti
Un n'hè più tempu di festa è di sunetti
Di u seculu mutanu e fantesie
I giovani, ùn ballanu più chè pazzie
Un si vede più capelli ne tacch'alti
Sò scappati li nostr'usi in quattru salti

***E SPAISATA ROSETTA IN UN TANGO,
C'UN MONSIEUR COMME IL FAUT***